

«Өңірлік кадрлық резервке іріктеу» жобасы

Еліміздің әр өңірінде өзін мемлекеттік қызметте де, басқа да салаларда табысты іске асыратын белсенді және талантты жастар жеткілікті. Мемлекет басшысының тапсырмасы бойынша елімізде алғаш рет «Өңірлік кадрлық резервке іріктеу» жобасы іске асырылатын болады, ол білімді жастарға болашақта белгілі бір салада өз идеяларын жүзеге асыруға көмектеседі.

Ел Президенті Қ.Тоқаев атап өткендей: «Бізге жауапкершілікті алудан және стандартты емес және тиімді шешімдер қабылдаудан қорықпайтын түрлі салалардағы жаңа формациядағы басқарушылар командасы қажет. Дәл осындай адамдар бүгінде біздің елімізге қажет нәтиже бере алады!».

Қазақстан Республикасы Президентінің 2023 жылғы 15 маусымдағы №255 Жарлығымен облыстың, республикалық маңызы бар қаланың, астананың Өңірлік кадр резервін қалыптастыру және одан тағайындау қағидаларын іске асыру үшін әзірленген облыстың, республикалық маңызы бар қаланың, астананың Өңірлік кадр резервіне іріктеу тәртібі бекітілді.

Жобаның басты мақсаты еліміздің әр өңірінде Өңірлерді дамыту мәселелеріне тарту үшін талантты жастар арасынан жас басқарушылар, жаңа ойлау көшбасшыларының пулдарын қалыптастыру болып табылады.

Елдің әрбір өңірінде резервшілер саны мен нақты салалық бағыттарды өңірдегі әлеуметтік-экономикалық жағдайды ескере отырып, Өңірдің кадр комиссиясы айқындайды.

Сондай-ақ, Шығыс Қазақстан облысының аумағында Өңірдің кадр комиссиясы өңірлік резервіне келесі бес салалық бағыттары бойынша: Индустрия және өнеркәсіп, Экономика және қаржы, Әлеуметтік сала, Тұрғын үй-коммуналдық шаруашылық және инфрақұрылым, Агроөнеркәсіптік кешен және жер қатынастары 10 үміткерді қабылданады.

Іріктеуге 35 жастан аспаған, жоғары білімі және үш жылдан кем емес еңбек өтілі бар (құжаттарды тапсыру сәтінде) Қазақстан Республикасының азаматтары қатыса алады. Өтінімдерді қабылдау ағымдағы жылдың 1-31 наурызы аралығында onir.pkrezerv.gov.kz сайтында жүргізіледі.

Шығыс Қазақстан облысының Өңірлік кадр резервіне іріктеу бес кезеңнен тұрады: құжаттарды қабылдау, заңнаманы білуге және жеке қасиеттерін бағалауға арналған тестілеу, құзыреттерді бағалау, осы резервке Кандидаттарды Өңірлік резервке қабылдау туралы шешім шығару үшін комиссиядағы құрылымдық сұхбат отырысы.

Іріктеудің аталған кезеңдері үміткерлерде белсенді өмірлік ұстаным, жетілдіру мен дамуға ұмтылу, оқыту кезінде алған білімдерін практикада қолдану, жағдайды болжай білу, жұмысты жоспарлау, жеделдік, жұмысқа шығармашылық көзқарас, дербестік пен тәуекелге дайындық, ұжымда жұмыс істей білу, ұйымдастырушылық қабілет, өз ісін дәлелдей білу сияқты қарым-қатынас икемділігі және көшбасшылық бейімділік қасиеттерді анықтауға көмектеседі.

Іріктеуге қатысу үшін мынадай құжаттардың көшірмелерін ұсыну қажет: Қазақстан Республикасының жеке куәлігі немесе паспорты, бекітілген нысан бойынша өтініш, білімі туралы құжаттар және оларға қосымшалар, еңбек қызметін растайтын құжат, соңғы жұмыс орны бойынша кадр қызметімен расталған бекітілген нысан бойынша кандидаттың толтырылған қызметтік тізімі және түрлі-түсті фотосуреті.

Жобаға қатысуға ниет білдірген азаматтар құжаттарды ҚР Мемлекеттік қызмет істері агенттігінің Шығыс Қазақстан облысы бойынша департаментіне (бұдан әрі-Департамент) ШҚО, Өскемен қаласы, Н. Назарбаев даңғылы, 4, 305, 312 кабинет мекенжайы бойынша қолма-қол қағаз жеткізгіште не электрондық пошта мекенжайына shqo@onir.pkrezerv.gov.kz электрондық түрде ұсына алады.

Кандидаттарды іріктеудің келесі кезеңдеріне жіберу туралы шешім департаменттің интернет-ресурсында, кандидаттардың жеке кабинеттерінде, сондай-ақ онлайн-платформада келесі кезеңге жіберу туралы шешім қабылданған кезден бастап екі жұмыс күні ішінде жарияланатын болады.

Бес кезеңнен өткеннен кейін Шығыс Қазақстан облысының Өңірлік резервіне қабылданған адамдардың тізімі Департаменттің интернет-ресурсында, сондай-ақ комиссия шешім қабылдағаннан кейін бір жұмыс күні ішінде онлайн-платформада жарияланатын болады.

Резервшілердің Шығыс Қазақстан облысының Өңірлік кадр резервінде болу мерзімі 2 жылды құрайды.

Мемлекеттік қызмет жүйесіндегі кадрлармен жұмыстың ажырамас бөлігі, мемлекеттік басқару сапасын арттырудың нақты нысаны кадр резервін қалыптастыру және тиімді пайдалану болып табылады. Облыстың Өңірлік резервіне қабылданған кандидаттар сайланатын лауазымдарды қоспағанда, өңірдің жергілікті атқарушы органдарында «Б» корпусының мемлекеттік әкімшілік лауазымдарына орналаса алады.

Өз кезегінде, ҚР Мемлекеттік қызмет істері агенттігінің Шығыс Қазақстан облысы бойынша департаменті өңіріміздің барлық білімді, еңбекқор, талантты және креативті азаматтарын осы жобаға белсенді қатысуға және жергілікті жерлерде өзгерістер жүргізуші болуға шақырады.

М. ШОЛПАНБАЕВА, ҚР Мемлекеттік қызмет істері агенттігінің Шығыс Қазақстан облысы бойынша департаменті мемлекеттік қызмет басқармасының бас маманы

«Күршім жаршысы» газеті
Меншік иесі:
ЖК «Заңғар_Медиа»

Күршім аудандық қоғамдық-саяси
апталық газеті
Бас редактор **К.Р. БУРХАНБАЕВА**

Тілші **Х.ЗӘКӘРИЯ**

Газетті компьютермен безендіруші:
Н. МҰҚАТАЕВА

тел.: 3-11-28

Газет Қазақстан
Республикасы Мәдениет
және ақпарат
министрлігінің Ақпарат
комитеті республикалық
мемлекеттік мекемесінде
22.12.2023 жылы тіркелді
№КЗ87VPY00084308.

МЕКЕН-ЖАЙЫМЫЗ:
071200, Шығыс Қазақстан
облысы Күршім ауылы,
Барақ батыр көшесі, 25-үй.
E-mail: zaryu-kur@mail.ru

Жарнама қабылдау телефоны
3-11-28

Хаттар мен қолжазбалар
қайтарылмайды. Жарияланған
материалдарда айтылған пікір
редакцияның пікірімен сәйкес
келмеуі мүмкін.

Жарнаманың дұрыстығына
жарнама беруші жауапты.

Хабарландыру

«СП «Когодай»» ЖШС, ҚР Экологиялық кодексінің 96-бабының талаптарына сәйкес, 12.04.2024 жылы сағат 14.00 ШҚО, Күршім ауд., Маралды а., Ш. Уалиханов к-сі 38, (ауылдық клуб ғимараты) мекен-жайы бойынша 2024 жылға Когодай кен орнын барлау жоспарына (25.06.2013 жылғы №4230-ҚПҚ келісімшарты) ықтимал әсерлер туралы есеп бойынша ашық жиналыс нысанында қоғамдық тыңдаулар өтетінін хабарлайды.

Жобалық құжаттама пакеті Бірыңғай экологиялық порталында (БЭП) <https://ecoportal.kz/>, сондай-ақ ЖАО «ШҚО табиғи ресурстар және табиғат пайдалануды реттеу басқармасы» ММ сайтында танысуға болады.

Ескертулер/ұсыныстар қоғамдық тыңдаулар өткізілетін күнге дейін 3 жұмыс күнінен кешіктірілмейтін мерзімде БЭП, сондай-ақ Өскемен қ-сы, К. Либкнехт көшесі 19 «Шығыс Қазақстан облысы табиғи ресурстар және табиғат пайдалануды реттеу басқармасы» ММ, тел. 8(7232)25-70-82, a.abdraeva@akimvko.gov.kz эл.адресі бойынша қабылданады.

Маралды ауылында тұрақты Интернет-байланысының болмауына байланысты тыңдаулар офлайн режимінде өткізілетін болады.

Қосымша ақпаратты белгіленген қызметтің бастамашысы - «СП «Когодай»» ЖШС. БСН: 131140023615. Мекен-жайы: ШҚО, Өскемен қаласы, М.Горький к-сі, 46 үй, тел: +77012069873, 8 (7232) 415140.

Объявление

ТОО «СП «Когодай»», в соответствии с требованиями статьи 96 Экологического кодекса РК, сообщает, что 12.04.2024 года в 14.00 ч. по адресу ВКО, Курчумский район, с.Маралды, ул. Ш. Уалиханова, 38, (здание сельского клуба) состоятся общественные слушания в форме открытого собрания по отчету о возможных воздействиях к Плану разведки месторождения Когодай на 2024 год (Контракт №4230-ТПИ от 25.06.2013 года).

Пакет проектной документации доступен на Едином экологическом портале (ЕЭП) <https://ecoportal.kz/>, а также сайте МИО ГУ «Управление природных ресурсов и регулирования природопользования ВКО».

Замечания/предложения принимаются в срок не позднее 3 раб. дней до даты проведения общественных слушаний на ЕЭП, а также по адресу г. Усть-Каменогорск, ул.К.Либкнехта,19 ГУ «Управление природных ресурсов и регулирования природопользования ВКО», тел. 8(7232)25-70-82. Электронный адрес: a.abdraeva@akimvko.gov.kz.

Слушания будут проведены в режиме офлайн в связи с отсутствием стабильного Интернет-соединения в с. Маралды.

Дополнительную информацию можно получить у инициатора намечаемой деятельности - ТОО «СП «Когодай». БИН: 131140023615. Адрес: Восточно-Казахстанская область, Г.Усть-Каменогорск, улица М.Горького, дом 46, тел: +77012069873, 8 (7232) 415140.

ХАБАРЛАНДЫРУ

«Бірлік негізгі орта мектебі» КММ-нің мектеп Жарғысының жоғалуына байланысты жарамсыз деп танылсын.

ҚАЗАҚСТАНДА МАМАНДАНДЫРЫЛҒАН ХҚКО-ҒА КЕЗЕКТІ БРОНДАУДЫҢ ЖАҢА ӘДІСІ ТАНЫМАЛДЫҚҚА ИЕ БОЛУДА

Мамандандырылған ХҚО-да емтихан тапсыру үшін кезекке тұруға «ХҚКО» қосымшасы арқылы 8 мыңнан астам өтініш түскен. Енді азаматтарға алғаш рет жүргізуші куәлігін алу үшін орталыққа хабарласудың қажеті жоқ. Олар мұны қосымшаның «Бейне қызметі» батырмасы арқылы онлайн жасай алады.

Қызметтің арқасында азаматтар уақытын айтарлықтай үнемдей алады. Мәселен, бұғандейін теорияны тапсыру үшін көрсетілетін қызметті алушы мамандандырылған ХҚКО-ға келіп, талон алып, кезекте тұруы, оператордан өтініш беріп, содан кейін ғана емтихан сыныбына өтуі қажет болатын. Енді бұл кезеңдерден өтудің қажеті жоқ. Клиент алдын ала брондалған уақытта теориялық емтиханға тікелей келе алады. Ал теорияны сәтті тапсырғаннан кейін «ХҚКО» қосымшасы арқылы тәжірибелік емтиханға кезекке жазыла алады.

Бейне қоңырау арқылы кезекке тапсырыс беріп қана қоймай, жүргізуші куәлігін алу үшін құжаттардың сканерленген көшірмелерін де бере алады. Оның ішінде медициналық анықтама, қызмет алушының фотосуреті, қойылған қолының үлгісі, автомектепті аяқтаған болса, оқығаны туралы анықтама, мемлекеттік бажды төлегені туралы түбіртек бар. Барлық құжаттар диалогтық терезеде тіркелуі керек. Айта кетер болсақ, қосымшаны Google Play және App Store-дан жүктеп алуға болады. Осы күні оны 350 мыңға жуық қолданушы орнатып үлгерген.

Ұлттық экономиканы сақтау үшін күшті азаматтық қорғаныс

Дүниежүзілік Азаматтық қорғаныс күні жыл сайын 1 наурызда белгілі бір ұранмен атап өтіледі.

Биыл ол "Ұлттық экономиканы сақтау үшін күшті азаматтық қорғаныс" ұранымен өтеді. Осы мерекені өткізу шеңберінде объектілік жаттығулар, сондай-ақ азаматтық қорғаныс туралы білімді насихаттауға бағытталған іс-шаралар кешені өткізіледі. Күршім ауданының Төтенше жағдайлар бөлімі балалар арасында азаматтық қорғау саласындағы білімді насихаттауға үлкен мән береді. Осыған байланысты мектептерде, мектепке дейінгі мекемелерде арнайы сабақтар, конкурстар, ойындар, жарыстар өткізіледі, олардың барысында қатысушылар өзін-өзі қорғаудың қажетті дағдыларына ие болады және төтенше жағдай кезіндегі мінез-құлық ережелерін үйренеді. Бір ай ішінде Күршім ауданы Төтенше жағдайлар бөлімі қызметкерлері тұрғындар мен санатталған ұйымдардың қызметкерлері арасында азаматтық қорғаныс іс-шаралары және табиғи және техногендік сипаттағы төтенше жағдайлар туындаған кездегі іс-қимылдар бойынша жадынамалар, брошюралар таратуды ұйымдастырады. Дүниежүзілік Азаматтық қорғаныс күнін мерекелеу бойынша барлық іс-шаралар ТЖ кезінде халықтың ақпараттылығын арттыруға бағытталған.

Күршім ауданының төтенше жағдайлар бөлімі